

L Ö G**um breyting á lögum nr. 30 28. ágúst 1966, um meðferð, skoðun og mat á sláturafurðum.**

FORSETI ÍSLANDS

gjörir kunnugt: Alþingi hefur fallist á lög þessi og ég staðfest þau með samþykki mínu:

1. gr.

2. málsgr. 2. gr. laganna orðist þannig:

Ráðherra getur þó, þar sem brýn nauðsyn krefur, leyft slátrun á sauðfé og stórgripum til eins árs í senn í slátruhúsum, sem ekki eru svo úr garði gerð að löggilding geti farið fram á þeim, ef yfirdýralæknir eða hlutaðeigandi héraðsdýralæknir telur, að slátrun og meðferð sláturafurða geti tekist þar á viðunandi hátt. Undanþágu má þó ekki veita nema til ársloka 1982.

2. gr.

Lög þessi öðlast þegar gildi.

Gjört i Reykjavík, 7. maí 1980.

Kristján Eldjárn.

(L. S.)

Pálmi Jónsson.

AUGLÝSING**um staðfestingu forseta Íslands á breytingu á reglugerð fyrir Háskóla Íslands nr. 78/1979.**

Forseti Íslands féllst hinn 2. maí 1980 á tillögu menntamálaráðherra um að staðfesta eftirfarandi breytingu á reglugerð nr. 78, 22. ágúst 1979, fyrir Háskóla Íslands.

1. gr.

Aftan við 112. gr. bætist ný grein sem verður 113. gr. og hljóðar svo:

113 gr.**Nám í uppeldis- og kennslufræðum.**

Nám í uppeldis- og kennslufræðum tekur til námsefnis í uppeldisfræði, uppeldislegrí sálarfræði, kennslufræði og kennslu og skal námskrá ákveðin með tilliti til sérþarfa kennslu- og uppeldisstarfa.

Nám þetta skal alls svara til 30 e. Þó er heimilt að veita stúdentum, sem hafa lokið samsvarandi námskeiðum og/eða aflað sér verulegrar reynslu af kennslustörfum, undanþágu frá tilteknum námskeiðum.

Háskólinn skal láta stúdentum, er ljúka þessu námi, í té sérstakt prófvottorð. Heimilt er að hafa samvinnu við Kennaraháskóla Íslands um þetta nám og semja um að hann annist tiltekna þætti þess.

2. gr.

Reglugerð þessi öðlast þegar gildi.

Menntamálaráðuneytið, 6. maí 1980.

Ingvar Gíslason.

Birgir Thorlacius.